



# REVISTA SITUASAUN – MARSU 2017

## ASUNTU NE'EBÉ PRESIZA TAU ATENSAUN

### INSIDENTE VIOLÉNSIA AKONSETE HO NÚMERU AAS IHA FULAN MARSU MASKE LA GRAVE

Belun nia Sistema Atensaun no Responde Sedu (AtReS) iha Marsu 2017 rekolla insidente violénsia hamutuk 141. Númeru ne'e konsidera aas liu kompara ho fulan 3 antes (Dezemburu 2016, Janeiru no Feveireiru 2017), maibé la rejista insidente ne'ebé grave. Indikadór ida mak ema ne'ebé mate no hetan kanek grave tun liu kompara ho fulan 3 antes. Bele haree gráfiku komparasaun tuir mai:



### INSIDENTE VIOLÉNSIA ELEITORÁL 41 AKONSETE DURANTE PERIODU ELEISAUN PREZIDENSÍAL, MASKE LADÚN SÉRIU

Sistema AtReS mós iha Marsu 2017 rejista insidente violénsia eleitorál hamutuk 41 ne'ebé akontese antes, durante no depois votasaun iha eleisaun prezidensíal ne'ebé realiza ona iha loron 20 Marsu 2017. Husi insidente violénsia 41 ne'e, insidente 6 de'it mak uza forsa fiziku ho maneira asalta malu no tuda malu, no restu envolve violénsia verbal hanesan istori malu, haksesuk malu no hakilar malu.

Totál Insidente Violénsia iha Marsu 2017	
Munisipiu	Insidente
Aileu	7
Ainaru	10
Baukau	10
Bobonaru	5
Covalima	4
Dili	56
Ermera	8
Lautein	3
Likisá	14
Manatutu	6
Manufahi	9
Oekusi	3
Vikeké	6
<b>Totál</b>	<b>141</b>

Fatin akontese insidente violénsia eleitorál hirak ne'e mak iha Munisipiu Dili akontese insidente 13, Munisipiu Likisá insidente 8, Munisipiu Ainaru, Covalima no Manufahi ida-idak insidente 3, Munisipiu Bobonaru insidente 2, Munisipiu Aileu, Ermera, Lautein, Manatutu no Rejiaun Administrativa Espesial Oekusi Ambenu (RAEOA) ida-idak akontese insidente 1.

- Dadus hatudu katak, maioria insidente hirak ne'e akontese tanba:
- militante halo provokasaun ba malu iha tempu kampaña no prosesu kontajen votu, ne'ebé akontese insidente violénsia 19 (ezemplu: ho hatún malu, hakilar malu to'o balun tuda malu no baku malu),
  - votante no ofisial iha sentru votasaun seidak komprende ho di'ak regra no prosesu eleisaun, akontese insidente 8 (ezemplu: ofisial sentru votasaun halo impedimentu ba membru F-FDTL (hatais sivil) ne'ebé atu tuir votasaun,
  - votante balun hatene hela regra eleisaun maibé lakohi halo tuir duni regra ne'ebé iha, akontese insidente 4 (ezemplu: hasai foto boletin votu ne'ebé tu'u ona iha kabina laran no balun ba sentru votasaun ho atributu partidu polítiku nian),
  - deskonfia irregularidade, akontese dala 4 (ezemplu: boletin votu iha riska no vistu ona antes votante tu'u, no ne'e akontese maske troka boletin votu to'o dala 3 tuituir malu nafatin iha riska, nune'e votu konsidera nulu),
  - liña formatura naruk liu no votante sira lakon pasiénsia hodi hamosu hirus malu, akontese insidente 4,
  - votante sira la hatene tempu votasaun no fatin votasaun, akontese dala 2 (ezemplu: votante forma tiha ona iha liña naruk no to'o tuku 03.00 lokraik tenke para entaun hamosu haksesuk malu entre votante ho ofisial sentru votasaun).

### INSIDENTE VIOLÉNSIA LIGA HO EIS-GRUPU ARTE MARSÍAL (GAM) NO GRUPU ARTE RITUÁL (GAR) TUN IHA FULAN MARSU


Iha Marsu 2017, rejista insidente violénsia 5 tanba problema eis-Grupu Arte Marsial (GAM) ne'ebé governu bandu ona no Grupu Arte Rituál (GAR). Númeru ne'e tun kompara ho númeru average (rata-rata) durante fulan 12 ikus (Marsu 2016 - Feveireiru 2017) ho insidente 8.1 kada fulan. Insidente liga ba GAM no GAR hanesan:

**Iha Munisipiu Baukau akontese insidente 3** – insidente ida akontese iha Weromata, Suku Samalari, Postu Administrativu Laga ne'ebé eis-membru GAM balun hapara bis diresaun Lospalos mai Dili hodi baku kondutór, ajudante no pasajeiru balun no impaktu mak ema na'in rua hetan kanek kmaan no bis nia vidru balun rahun; insidente 2 seluk envolve estudante ne'ebé mós hanesan membru grupu eis-GAM iha Baukau.


**Iha Munisipiu Dili akontese insidente 2** - iha Terra Santa, Comoro, Dom Aleixo akontese grupu tuda malu no baku malu hafoin kampaña kandidatu presidente ne'ebé mós mai husi abut problema eis GAM iha pasadu; iha Fatu Meta, Bairru-Pite, Dom Aleixo akontese grupu baku malu iha biliár fatin ne'ebé liga mós ho problema GAM ho GAR.

## KARATERÍSTIKA INSIDENTE


Total Insidente: Marsu 2017




Fatin Akontese Insidente Violénsia




Numeru Insidente Kada Postu Administrativu Husi Numeru 3 Ba Leten




Sasán Ne'ebé Uza iha Insidente Violénsia




Ema Ne'ebé Hahú Halo Violénsia nia Kna'ar Husi Numeru 3 Ba Leten




### EMA NE'EBÉ HAHÚ HALO VIOLÉNSIA NIA JÉNERU




### VÍTIMA NIA IDADE




### EMA NE'EBÉ HAHÚ HALO VIOLÉNSIA NIA IDADE




### SEE MAK RESPONDE




### VÍTIMA NIA KNA'AR HUSI NUMERU 3 BA LETEN




### FATÓR NE'EBÉ HAMOSU INSIDENTE VIOLÉNSIA HUSI NUMERU 3 BA LETEN



### VÍTIMA NIA JÉNERU





#### ATIVIDADE PREVENSAUN NO RESPONDE BA KONFLITU

##### Atividade Ne'ebé Hala'o Husi Ekipa Sistema Atensaun no Responde Sedu (AtReS)

- Iha lora 8 Marsu, Ekipa Jestor AtReS halo Talk Show iha STL News liga ba dados insidente ne'ebé mosu iha tempu kampaña polítiku no tempu eleisaun hodi rekomenda ba instituisaun relevante atu halo prevensaun antes eleisaun prezidente no parlamentár 2017;
- ONG Belun liu husi Rede Prevensaun no Responde Konfliktu Postu Administrativu Likisá realiza sorumutu ida ho lider lokál, juventude, veteranu, lider partidu polítiku hodi fó edukasaun sívika liga ba eleisaun prezidensiál no parlamentár 2017. Sorumutu ne'e realiza iha lora 8 Marsu 2017, iha Aldeia Ebano, Suku Dato, Postu Administrativu Likisá, Munisipiu Likisá, ho total participante 156. Oradór prinsipál iha sorumutu ne'e mak CNE, Adjuntu Komandante Eskuadra Likisá no Administradór Postu Administrativu Likisá. Iha sorumutu ne'e Administradór preokupa tebes tanba buat ne'ebé nia hanoin katak comunidade hatene hotu afinál mosu pergunta balun ne'ebé hatudu katak participante seidak hatene regra sira ho klaru liga ba eleisaun sira.



##### Atividade Ne'ebé Hala'o Husi Ekipa Programa Apoiu Polisiamentu Komunitária (PAPK)

- Iha fulan Marsu, Belun liu husi Programa Apoiu Polisiamentu Komunitária (PAPK) realiza enkontru regular KPK dala 7 iha Munisipiu Covalima, dala 8 iha Manufahi, dala 3 iha Likisá, dala 4 iha Dili no dala 1 iha Vikeké. Konteúdu importante iha enkontru ne'e mak hodi avalia situasaun seguransa no identifika issu prioridade sira;
- Ekipa PAPK mós realiza enkontru regular Feto KPK no enkontru regular KSM dala 1 iha Munisipiu Manufahi. Enkontru Feto KPK ho objetivu atu identifika no halo prevensaun ba kazu violénsia doméstika, kazu divórsiu no kazu inestu. Enkuantu enkontru regular KSM ho objetivu fahe informasaun atu komponente relevante bele fó hanoin ba situasaun seguransa hodi nune'e bele garante estabilidade.
- Iha fulan Marsu nia laran mós Ekipa PAPK implementa Planu Asaun KPK dala 2 iha Munisipiu Dili hanesan iha Suku Kampun Alor, Postu Administrativu Dom Aleixo hodi socializa Lei Eleitorál ba comunidade atu minimiza konfliktu iha tempu eleisaun Prezidensiál 2017; no iha Suku Duyung, Postu Administrativu Metinaro hodi socializa Lei Tránsito no Roda viaria ba comunidade atu redús insidente no asidente tráfitiku.

##### Atividade Ne'ebé Hala'o Husi Ekipa Clínica Asesu ba Justisa

- Iha fulan Marsu 2017, Ekipa Clínica Asesu ba Justisa konsege realiza atividade sensibiliza informasaun kona-ba alternativa rezolusaun disputa ba problema rai. Atividade ne'e hala'o dala 5 hanesan iha Munisipiu Ainaru, Bobonaru, Baukau, Manufahi no Vikeké;
- Ekipa Clínica Asesu ba Justisa mós iha fulan Marsu fasilita mediasaun disputa rai dala 7: kazu 3 hetan ona akordu, enkuantu kazu 1 refere fali ba Defensor Públiku no kazu 3 seluk sei kontinua halo mediasaun.

#### KONA-BA REVISTA NE'E

Revista situasaun ne'e relata kona-ba asuntu xave relaciona ho insidente violénsia no tendénsia konfliktu husi koleasaun dados monitorizasaun liuhosi Sistema Atensaun no Responde Sedu (AtReS), ne'ebé kobre iha Postu Administrativu 43, husi Postu Administrativu 65, Suku 275 iha Timor-Leste durante fulan Marsu 2017. Belun esforsu atu fahe informasaun ne'ebé up-to-date no serteza ho dados atuál. Hanoin katak, bele hetan mudansa situasaun ho lalais husi kontribuisaun dame ita hotu nian. Ami agradese no simu informasaun seluk ne'ebé bele klarifika ka update dados, liuhosi sistema AtReS.

**Marilia Oliveira da Costa**, Jestor Sistema AtReS: [bylah.belun@gmail.com](mailto:bylah.belun@gmail.com)

**Laurensius Lein**, Especialista Prevensaun Konfliktu & Política: [laurensius.belun@gmail.com](mailto:laurensius.belun@gmail.com)